

E cara Arubiano mas conocí den exterior, Alfred Rodgers

Condecorá pa Gobierno

Señor Edward Alfred Rodgers a nace y a wordo criá na Aruba.

Rodgers, manera cu e ta wordo yamá cariñosamente ta forma parti di Divi Resorts pa mas cu 25 año. Rodgers a uni su mes na e compañía riba un 27 di November di año 1974 den departamento di mantencion.



Tabata na año 1984 cu e compañía Divi Resorts a habri "Alhambra Casino" habriendo asina tambe oportunidad pa Sr. Rodgers wordo transferí pa e casino como e persona cu oficialmente ta yama e huespednan Bon-biní na e casino y su isla natal.

Sr. Rodgers su titulo a conocé cambio durante transcurso di año. El a haya reconocimiento for di Divi Resorts y a wordo nombrá "Embahador di Bon Boluntad."

Rodgers su trabao ta duné e oportunidad pa yama nos bi-shitantenan Bon-biní y cu nan por disfrutá di un estadía na Aruba placentero y yen di suerte.

Na diferente ocasion Sr. Rodgers a forma parti di delegacionnan cu a representá e compañía Divi Resorts na Merca promoviendo e compañía y su isla.

Sacudiendo man di mas di 6.5 milyon hende, Rodgers ta e cara mas conocí na Aruba, trahando cu e casino.

Nacion

Nos nacion
Bo jiunan ta yamabo
Entre tur e barricadanan
Di un torre di marfil
Cu a nace na Palo Marga

Soña cu nan virtud
Un huerfano entre e sero
Sin horizonte
Dianan scur so a conocé
Cu sanger n'e lombrishi

Bo rioolnan a seca
Heridanan a habri
Casnan a desmayá
Sin lodo pa wanté
E shelo como mi lus

Mijiunan
Bo nacion ta yamabo
No pa destruí
Cu motibonan fofu
Mientras na rudiya

Nos naturaleza
Tur cu a desaparecé
Ta razon pa un grandi
Mi nacion
Bo jiunan, ta yamabo.

Quito Nicolaas
(Sacá di e tomo di poema "Destino")